



Moderamen
GBKP

Ibadah



keluarga

Sabtu, 02 Mei 2020

PERSIKAPEN

Wari enda asa bancina ibadah ibabai bapa nta nande, mulai pemeana seh ku dungna perdalenen ibadah bage pe ngaturken kerina si ertugas ibas bagin-bagin ibadah.

RENDE KEE No.184 : 1 " Yesus Tuhanku Njaminisa "

Yesus Tuhanku jaminisa , k'rina dosangku tebusina
Geluh simbaru jujurkenNa, m'riah ukurku ngalokenca
Tuhanku Yesus kam me ngenca, pengendesenku rasa lalap
Temani aku o penampat, Tuhanku Yesus Jurus'alamat

ERTOTO MENAKEN IBADAH

RESPONSORIA : Pengapul Tupung paksa kesusahan (Masmur 77 : 1-3.15)

Nande : Alu sora megang kulebuh Dibata,
Bapa : aku sora megang erlebuh aku,
Anak : jenari ibegikenNa aku
Nande : Tupung mesera, ertoto aku man Tuhan
Bapa : kudadakan tanku ertoto, tapi la aku jumpa pengapul
Anak : Kam kap Dibata singelakoken tanda kuasa simbelin,
Kerina : icidahkenNdu kuasaNdu, itengah-tengah bangsa-bangsa.

RENUNGEN

(Roma 12 : 12)

Lit singerana nina : "MERIAH NGGELUH ADI MEGENGGENG".

Kata-kata enda ningetken kita kerna perdalenen geluh silabo kerina meriah tapi lit ka nge erbage-bage kesusahan man alanken.

Erpengarapen man Dibata mpengasup kita megegeh dengen megenggeng. Menggenggeng ertina nggeluhta la sukah MENYERAH tapi BERSERAH, ernalem man Dibata.

Bagi sekalak perjuma suanna cina kitik lit buahna tapi murah ergana,ertoto ia,turah pengarapenna,nina bas ukurna "labo lalap pagi bagenda murahna cina kitik" terus ia nuan-nuan la ia surut erjuma.

Ibere Dibata kepentaren man bana suanna ka sinuan jambe,ertunas lalap piah dungna banci ia rusur erdaya pucuk taruk ku tiga.

Si ku tiga la bagi sigel-gel perulihen binaga nulih ia kempak keleng ate Dibata emaka la ia kelsehen,erpengendes ia man Dibata dengen pentar ngaturken perbinagan subuk pengelolaan modal ras pengelolaan pengeluaran.

I bas jabu banci jadi lit la bagi ukur,la erbanca pebelin perubaten tapi tetap siajar-ajaren mpekena kelepak.

I bas ngalaken sakit lenga malem,tetap ertoto dengen erusaha gelah malem pinakit arah tambar ras cara nggeluh si sehat. Anak sekolah gia melala PR (Pekerjaan Rumah) terus usur-usurna ndahikena pasti dung.

Sope lit wabah virus corona (Covid 19) geluhta banci kadap ku jah ke je. Jumpa ras jelma nterem subuk erdahin i tiga, erdahin i juma, erdahin i kantor. Anak-anak i sekolah ntah i kampus, ndahi lakon adat meriah (kerja-kerja) ntah lakon ceda ate. Ersembah i gereja pulung wari minggu, PJJ, PA Kategorial. Gundari lanai bagi sigel-gel kegiatenta (aktifitasta). Virus Corona berdampak nandangi kesehaten, pendidikan, social, budaya, kerohanian ras sipaling mberat mungkin kerna ekonomi jabu.

Sekalak siberserah (ernalem man Dibata) la sukah putus asa, la sukah merawa, la sukah kecewa sabab ku Tuhan tetap ertoto. Ertoto nuriken keriahen ukur ras pengataken bujur. Ertoto nuntungen kerina perbeben. Ertoto mindo kai siiperluken. Tetap beraktifitas, produktif, kreatif, Inovatif. Kai pe Labo gel-gel kerina. Kiniseran sipaksa enda ngkenai doni e me musuh si la teridah. Gia banci peturah kearun ate ras kebiaren, selaku anak-anak Dibata tetap meriah ibas erpengarapen, menggengngeng ngalaken kiniseran, ertoto lah man Dibata.

Corona cepatlah berlalu. Amin

Pertoton syafaat ras idungi alu Pertoton Tuhan

(ibabai Bapa/Nande)

Topik Pertoton :

Nggeluh tetap ernalem (berserah) man Tuhan
Man kalak si nggo lanai lit pendahin, korban covid 19, Tim Medis
Ersikap guna ketahanan pangan (kebutuhan pokok) alu ngaturken si lit
alu mehuli.
Siturah bas jabu.

Kenca dung Ibadah

Asa bancina lit anak jabu si rende muji Tuhan.
Banci alu Vocal solo/Duet/Trio.

Ulihna anak jabu banci nggejabken keriahen arah ende-enden pujin e.
Kenca dung rende banci sibere tepuk tangan ntah pe apresiasi arah kata-kata pujian.